

鍾元音邑老諸生應學使例凡二十三次壽至九十餘生平恬淡既寡營又寡合不信師巫不惑風水不積資財或勸爲子孫計輒引漢二疏語云賢而多財則損其智愚而多財則益其過故絕不以動其心晚年卜居於鯉魚浪小沙之旁環堵之室半畝之宮有田有園有松有竹晏如也性嗜茶酒自拾松枝煑茶或三杯卯困兀坐松陰之下白髮蕭然瞻者輒以爲古仙真云卒後邑庠生何章有鍾先生記

以上舊志

仇汝功字立齋號垂竹附貢生淡於財利嘗以蒲包貯銀數百兩於臥室盜穴壁竊去了不介意復實瓦礫於包置舊處盜復竊去公譁然大笑出語於人凡貧民負柴草食物踵門求賣雖不急需必收買之語家人曰彼貧困立俟錢易米我不取彼將誰向乎丁能觀字靜軒石塘練蘇村人生平敬惜字紙路遇有污穢者檢濯晒焦焚之送其灰於江蒙童自塾還必令背誦書熟者探囊賞之性嗜酒不任逼促邱金門贈詩云盈瓦〔缶旁〕自斟還自酌醉人一任醒人催實錄也生子四翰元郡庠翰昆邑廩翰熙拔貢翰孚廩貢女適郡庠葉維屏膠庠之盛爲邑中所僅見

丁能裕字綽然邑增生石塘練蘇村人寡慾廉介善書畫嘗繪一鑽錢窟者頭手已出下截作騰挪勢力撐兩股眼睜睜精神畢肖見者蓋知其有所諷也尤善吟咏著有竹

## 靈山縣志

人物志

式百叁玖

廣州黃黎巷新中華承印

軒詩鈔兼精醫道六經傷寒剖釋尤爲真切

劉道仁字德圃石塘練平歷村人事母孝賦性尤廉非義一介不取宅邊蓄有塘池嘗網得連〔魚旁〕魚以非己物也縱還其鄰且大度容人有族某向之求借屢矣偶一次不遂乘還墟至前村僻徑無人處毆傷脛骨其子欲與理論竟阻止之

勞有爲字修園平山練東園村人好讀書喜吟咏弱冠甫應童子試不售輒厭棄之淡泊寡營壯歲後即屏絕家務築別墅於黃茅園之岡栽花種樹瀟灑自如性尤清潔庭階墻宇無纖塵大有隱士之風所著蟲吟集藏於家

容維高字持國幼慧嗜讀長有文名家不中貲愛書如命質田購書數千卷浸淫其中家計困乏怡然也中年喜畫題畫紅梅詩有梅花也厭冬寒淡未着春風便染紅之句年未四十卒

靈山正續志卷十八人物志

傳類下 列女〔節孝貞節貞烈賢婦〕 術藝 流寓

### 列女

列女之傳仿於劉向善惡並錄以垂法戒范史因之錄其節行高秀者不專一操也後史或改列爲烈專收節烈一門不已隘乎茲斟酌前史仍以節操爲先而閭範可風者

並探錄之（舊志）

按舊志列女祇分貞節賢婦二門今改分四門一節孝經崇祀節孝祠者也二貞節凡守節合清例旌表與貧未及請旌者入焉間有兼節孝者以未請旌故亦附入焉三貞烈則死節者四賢婦則仍舊志者（續志）

### 節孝

宋王康臣妻劉氏貢生劉顏之女事翁姑盡孝道與夫割股以療親疾郡守爲奏立旌孝坊（按割股事論已見上孝友）

明鄧鄭氏正德年間人名玉蘭縣丞鄭廷獻女鄉民鄧民茂妻也氏歸鄧連遭翁姑喪家甚貧乃籍女績以襄事年二十七夫邁疾早亡父母欲奪其志氏以死自誓朝夕哭泣竟以傷目七十二歲而終

李陳氏合浦陳允惠女年十七適李元璋陳方十九璋卒矢志守節事翁姑盡婦道撫二孤俱成立五旬完節雍正六年建坊旌表

甯趙氏浚昌妻結褵二載俊昌歿時氏年十八歲遺腹五月產一子殿楹善事翁姑撫孤成立守節四十六年乾隆十年詳請建坊旌表

劉房氏子平妻年十二適劉家貧甚善事垂暮舅姑嗣相斷歿助夫喪葬生一子甫閱

## 靈山縣志

人物志

式百肆拾

廣州黃黎巷新中華承印

月夫故氏年二十三拮据殮厝柏舟自矢樵績度日禋祀無缺

紀鄧氏宜述妻年二十八夫亡待遲暮舅姑撫嬰兒弱女克盡孝慈年六十九歲

容梁氏貢生廣才妻歸容而舅亡事姑至孝克盡婦道年二十七夫歿守節撫孤成立張韋氏邑庠生張璣妻夫早亡矢志守節教育三子俱克成名

黃巖氏邑廩生毓英妻年十六於歸孝事舅姑二十七歲夫故撫孤成立

潘霍氏邑歲貢生長元女年十七歸生員潘偉二十二歲夫亡無嗣撫猶子承祧內外無間言

陳盧氏世華妻年二十七夫亡遺二幼孤俱撫育成名七十二歲而終

葉何氏年十八適葉乘桂四載產一子乘桂身故竭力以奉舅姑子隨天擇夫兄子繼之督課有方於嘉慶四年請旌

仇容氏年十九適仇汝康三年夫逝事姑及祖姑皆克盡禮訓子有方子惠忠以縣丞分發福建有賢聲氏守節歷四十餘年於嘉慶二十年請旌

伍利氏媳李氏利年十五適夫監生伍之達事舅姑以孝聞逮事祖姑寢疾侍藥靡間夫病革則斷髮剪甲以禱夫逝利年二十九撫孤二人長允寬爲娶李氏年十五甫三歲允寬歿無嗣以次子大斌子入繼教養備至姑媳苦節李守節五十一年先歿壽六

十七利守節六十八年壽九十七於嘉慶二十一年歿孫曾皆成立人以爲雙節之報云先一年請旌建雙節坊

陳林氏年十九歸陳居達三載夫逝居喪盡哀以身妊節之後撫遺腹子以至成立守節六十三年壽八十五於嘉慶二十四年清旌

胡甯氏瑜龍妻年二十一夫故訓嗣子士貞成立孫宗琅捐職州同贈安封人壽八十歲守節六十年於道光元年請旌

施吳氏那標村人年十七歸善愈事翁及繼姑得其歡年二十七舉一子甫三歲而夫逝夫病亟謂氏曰吾有一兄二弟皆相繼淪亡嫂孀皆他適繼母又逝垂白老親將何所恃氏誓終事之氏家故貧氏唯篝燈績紡以易甘旨味必先進藥必親侍時翁方亟盼孫成立無何孫中殤氏雖極意慟衰事翁益至因集族衆以夫堂姪斷之家益困兼賣薪易米以爲炊事翁三十餘年氏卒年七十八守節孝親歷五十一年

陳黃氏錦南妻年十九夫故無子家赤貧或勸改適氏以翁姑在堂不忍捨爲詞矢志益堅紡績以養翁姑送死盡孝氏終年五十守節三十二年鄉里以節孝無嗣惜之盧周氏邑增生盧元琦元配生子三人長炫彰庠生次煒彰三子於夫故後遺腹五月而生即廩貢炯彰也生炯彰時年三十勸以改適者氏志益堅事翁姑倍謹翁壽至百

## 靈山縣志

人物志

式百四壹

廣州黃黎巷新中華承印

齡侍養無少缺至今後嗣蕃衍人以爲節母之德也卒年七十六守節四十七年

以上舊志

貞節

江周氏雲嶺村江濟之妻二十一歲夫歿壽七十八守節五十八年經請旌表

韋陳氏雲嶺村韋經濟妻三十歲夫故壽六十六守節三十七年經請旌表

韋周氏雲嶺村韋文鑑妻二十三歲夫歿壽六十五守節四十四年經請旌表

范丁氏石塘練友蘭村家樹妻二十四歲夫歿壽七十八守節四十五年經請旌表

韋容氏東墟韋經漢妻十九歲夫故經請旌表

陸韋氏上寧練仁里村陸步雲妻二十三歲夫故經請旌表

楊勞氏作楨妻二十六歲夫故壽五十七守節三十二年道光九年與節姑張氏夫弟婦張氏同報一門三節案奉旨建坊旌表

楊容氏廣仁妻同治年間學師彙報節孝

楊姚氏日誠妻二十二歲夫故現六十五歲守節歷四十三年光緒二十二年奉旨建坊旌表

勞陳氏迺翰妻年十七夫故撫孤成立壽六十七歲光緒二十五年請旌

謝譚氏石背練武生謝振光妻二十三歲夫故守節二十四年經具報請旌（按此因請旌後例得載入）

甯黃氏勸南妻年二十歲夫故光緒二十六年兩學師錢林牒縣令鄧景臨詳廣東巡撫德壽奏請旌表壽七十九歲撫孤成立守節五十九年卒之日縣令李積稷親製輓聯弔之

鄧鍾氏詒修妻二十四歲夫故事姑訓子恪盡婦道光緒季年奉旌表壽六十六歲守節四十二年

陳梁氏貽贈朝議大夫生員陳繼勳續配十八歲于歸二十一年夫故無子苦守四十年撫叔子爲嗣宣統二年二月儒學李會同邑王詳請奏旌

蘇陳氏伯勞佛子塘人夫故守節壽八十歲請旌建坊貞節

沈徐氏邑歲貢南海訓導輔仁胞妹年十五歸鴻猷九年生二子長光澤方三歲次光緒方踰月而夫逝哀哭盡禮以事姑撫孤爲任比長延師課之時沈四世單傳家素封覬覦者衆氏則綜理內外克守其家以貽後嗣壽九十有二守節六十八年

仇利氏邑庠時盛之女年十九適仇肇禧事舅姑得其歡心三載生一子未彌月夫亡營葬畢唯撫孤爲事屏絕鉛華人罕見面壽九十一親見五代守節七十年

## 靈山縣志

人物志

式百四二

廣州黃黎巷新中華承印

盧陸氏年十九廩貢生炯彰納爲側室時炯已六十餘矣及氏二十八歲炯逝生一子甫五歲時以兄多分產必簿母少子穉恐遭凌辱有給其改節者氏曰吾盡吾道諸兄何能辱爲至家產豐嗇命也不聽矢志益堅處娣姒無間言現年七十五歲親見五代鄉里咸稱頌之

黃伍氏年十九適黃永揚事姑唯謹遇夫疾而家苦貧脫簪珥以購參朮二十五歲夫逝子方襁褓誓不再醮或以賄動氏曰貧苦命也脫有他志何以見故夫於地下乎事姑撫兒終其身現歷六十九歲守節四十四年

葉李氏年十六適夫恒芬甫數月而夫亡矢志立節孝事翁姑以夫兄子宜陽爲嗣訓撫至於成立卒年五十守節三十五年前令彭有結呈存案

楊張氏邑庠生加捐州同起鷹妻年二十九歲夫故氏矢志柏舟撫三子成立家素封氏屏除華飾止服縞素長次子早卒少子邦濟以武生捐職都司能周恤貧乏建修橋梁廟宇皆出重資以助人謂克奉母訓云

譚陳氏顯廷妻年二十夫故無子以從姪濟爲嗣氏事翁姑以孝聞撫嗣子濟成立補弟子員嘉慶十五年呈報現年六十四歲守節四十四年

施楊氏年十七歸良盈事舅姑盡禮年二十九生子一甫閱月而夫逝矢志守節常慟

哭其夫恐舅姑覺唯暗自飲泣竟傷其目子鴻基太學生孫簡庠生能奉氏訓以至成立卒年柒十有九守節五十一年

陳勞氏渴塘村人年十八歸陳賡堯二十五歲生一子而殤堯以負米外出卒於他鄉氏聞訃痛不欲生以老姑在堂節哀謹事至於終身陳家故貧又門無期功之親氏獨矢冰霜紡績以供孝養計氏孀居時年二十九歷至嘉慶十二年姑卒竭力事姑一十八年尤人所難者現氏年五十八歲守節適三十年

梁駱氏梁魁妻魁逝氏年二十六生子一未週其父母欲嫁之氏以死誓翁入山耕種不常歸事祖姑繼姑甚謹處妯娌以和訓子成立現年五十六歲守節三十一年楊利氏孟業妻業卒時氏年二十七生一子撫之成立卒年八十六守節六十年

韋玉氏自謙妻九歲歸謙年二十生子箕箕二歲謙卒氏慘不欲生以夫伯叔勸之乃止事姑黃氏至孝姑病劇事之不少衰現守節四十九年

黃梁氏上東練黃邦選之妻年二十四夫逝無子以綸選子如蘭繼之守節終身現年七十六守節已五十四年

黃梁氏宋泰練黃應選之妻二十八歲夫故遺子一如階階復夭遺一孫維新氏撫之成立維新授例入監氏卒年七十五守節四十八年

## 靈山縣志

人物志

式百四三

廣州黃黎巷新中華承印

仇黃氏汝肖妻肖既病氏始于歸入門即親侍湯藥朝夕不懈甫一月而夫亡氏年僅十七矢志已堅遂以從子入嗣現年四十九歲守節已三十三年

溫鍾氏道粹妻年二十九夫故撫孤世卷成立現年七十六守節已四十七年

何姚氏淇清妻年二十一夫故守節以事八十老姑始終不倦現年七十五歲守節已五十五年

盧鄺氏康君妻年二十夫故有女無子以夫兄次子恩祖嗣五十一歲卒守節三十二年蒙甯氏蒙濬妻年二十三歲夫故無子守節甚堅撫夫姪華邦爲子教育成名現年六十七守節已四十五年

黃黎氏世宏妻年二十五夫故撫二子長光前次光邦遺腹生氏翁春容以好義著棄世後氏類多助婚恤喪人謂善繼翁志七十四歲卒守節四十九年

黃謝氏世賢妻年二十二夫故撫子光華守節與嫂黎同志好施亦與黎同子光華年二十四歲又卒婦王氏亦相繼守節撫子色現年五十守節已二十九年謝氏以年七十三卒守節五十年人稱一門三節婦云

廖黃氏那鸞村廖文棟妻年二十六生子國球六月而夫亡守節事姑以孝又能敬宗睦族贍貧恤喪人以節而惠稱之現年七十有三守節已四十八年

賴梁氏邑庠生安邦側室性貞慧年二十六夫故族有盜賣安邦田者氏不與較惟勤紡績以延師課子前趙令以荻教承先額旌其門

梁劉氏處士嘉懋妻二十四歲夫故守節事姑內外無間撫孤高欽諄謹克家孫曾林立現年七十二歲

黃廖氏那峯村黃元學妻年二十七夫故撫遺腹子煥章以事舅姑妯娌咸遜其孝年七十七而卒守節五十年前郡守康以和丸節範旌其門

邵梁氏適夫邵傑傑以貞幹毋蠱爲賊所害梁陰知之不忍言飲泣守節爾已歷十餘年案不能結夫族人又利其產屢逼之改適氏志益堅迨前令趙鑑密訪其事再訊而賊人及主使者悉得爲明氏寃以靈陽節婦旌其門梁乃自擇夫弟邵偉子寧基爲嗣洵苦節也其後今亦繁興云

李梁氏邑之中寧鄉人年三十夫故家貧事七十衰病之翁甚謹教子耀燦有方燦少即聰敏術者謂命當戒僧可免天氏曰修短命也僧豈能爲送子讀書恒典衣裙以備修脯燦弱冠遊洋有文名以八十明經鄉試於嘉慶二十二年得恩賜舉人一體會試皆守母訓也氏壽八十九歲

黃張氏艷光妻二十四夫故止生一女守節事姑撫繼嗣如己已出現六十五歲守節已

## 靈山縣志

人物志

式百肆四

廣州黃黎巷新中華承印

四十二年

吳陳氏陳元廣女性端淑不苟言笑年二十歸天育生子一越三年夫逝時夫兄弟已各析箸氏撫孤有方家範甚肅有夫姪幼失怙恃貧而多病氏撫之如己子長爲婚娶焉現年六十七歲守節已四十四年

容盧氏邑例貢生昌泰妻年二十七夫故無子妾勞氏生二子長茂次英氏訓之如己出與妾洽睦撫孤及茂英又相繼夭析氏復撫長孫長郁成立補弟子員次孫長充例貢曾孫林立現年七十五歲守節已四十九年

伍仇氏西鄉世祿堂拔貢士衡妻衡以廷試歸卒於河南孟縣寓所氏聞訃哀痛備至以租姑利氏勸解遂以奉祖姑撫諸孤爲事子二人長翹樞次翹鴻教少以嚴未嘗少縱皆克成立氏夫逝時年二十六現年五十四歲守節已二十九年適於本

謹按部例守節以三十三年爲斷所以嚴立其防也今伍氏賢行既著適於本年纂修邑志氏次子翹鴻以格於成例不敢請然相詎止數月計付梓時已與例相符故採錄之以明非阿私且見翹鴻兄弟不敢以欲揚母之節致增損歲月猶有直道遺意云

纂修邑人士梁相旻并識

黃盧氏處士相暉妻年二十九夫故無嗣撫堂姪建河爲嗣教育成立授例奎文閣典

籍

張黃氏生員所從妻年二十五歲夫故教育二子成立奉節姑盡孝人稱一門雙節云  
鍾甯氏儒士帝雅妻年二十夫故無子撫夫兄帝高子玉成爲子撫育教誨克自成立  
諸孫嶄然壽六十三歲

盧甯氏邑庠光基妻年十九夫故清節自守現年柒十八歲

黃張氏監生居貴妻年二十四夫故撫孤垂基成立壽六十三歲卒

以上舊志

陳蘇氏東城陳大妻二十柒歲夫故壽八十歲守節五十四年

曾勞氏東墟朱屋甲雲漢妻夫歿哀痛瘖立誓志守節家貧以耕織撫一子一姪道光  
二一十年匪撲城婦携姪與兒逃中途遇匪卒然攜姪棄兒賊兩縱之困脫其難邑人傳  
爲奇行

勞容氏平山練大化村錦宇妻青年守節養親壽九十柒歲

勞張氏平山練大化村永孚繼室青年守節養親

譚胡氏檀墟東岸村爲南妻二十三歲夫歿守節養親

商梁氏東墟三坡竹村元善妻青年守節養親

## 靈山縣志

人物志

式百四五

廣州黃黎巷新中華承印

梁凌氏林墟屬白木壩村應選妻十九歲夫故撫孤侍親

唐王氏東墟佛子塘村秀光妻二十一歲守節養親

勞黎氏網宇妻抱病婚未經洞房夫逝青年守節

黃勞氏林墟屬桂山嶺廩生蘭琛妻二十歲守節侍親

曹馮氏官屯練龍淵耿光妻青年守節奉親

劉陳氏平南捕雞村經世妻二十歲守節奉親

莫陳氏林墟屬佳文妻二十歲夫故壽六十九歲守節五十年

黃蘇氏捕屬兩頭塘監生爲仁妻二十二歲夫故壽柒十三守節五十二年

葉丁氏林墟屬元善妻二十二歲守節養親

劉王氏平山練凌家村有量妻二十一歲守節養親

張賴氏舊州練懷緯妻二十歲夫故壽六十守節四十一年

郭鍾氏舊州練材豐妻二十二歲夫故撫遺腹子現守節三十六年

伍勞氏上爻練祿樂堂村監生式唐妻三十歲夫故事親盡道壽八十二守節五十三  
年

伍謝氏上爻練祿榮堂村士景妻即伍勞氏媳十九歲夫歿事孀姑撫嗣子壽八十守

節六十二年

伍盧氏上爰練祿榮堂村敏材妻三十歲夫故事翁姑盡道壽六十入歲守節三十九年

黃何氏下甲練古鎮村維乾妻二十二歲夫故事親立嗣壽六十守節三十九年

仇何氏宋泰練董屋村宗元妻二十七歲夫故壽七十守節四十四年

李陳氏舊州練夢曦妻二十八歲守節壽八十三歲

施張氏那隆練正熹妻二十九歲守節壽八十柒歲

施劉氏那隆練子芹妻二十一歲夫故撫遺孤至五十柒歲子媳復亡氏復撫孤孫三人壽八十守節六十年

黎梁氏金泰妻十六歲夫故壽六十守節四十五年

陳覃氏徵書妻二十八歲夫故壽五十八守節三十一年

紀張氏官屯練翰青妻二十歲夫故壽柒十二守節五十三年

仇李氏開悟繼妻二十歲夫故壽五十九守節三十八年

盧韋氏盧坤妻二十九歲夫故家貧守節撫養孤姪成立現年六十六歲

劉黃氏卓元妻年二十八歲夫故善事翁姑苦撫孤子壽八十四歲守節五十六年

## 靈山縣志

人物志

式百四六

廣州黃黎巷新中華承印

劉楊氏君選妻年二十四夫故撫姪生子事翁姑盡道壽六十守節三拾柒年

盧韋氏建坤妻二拾九歲夫故撫他人子傳太翁之詞現年六拾六歲守節歷三拾八年

勞容氏勅贈儒林郎有德妻拾九歲于歸生子功崇甫週而夫故矢志守節壽柒拾九歲請封安人

勞陳氏廼翰妻年拾柒夫故生一子撫孤成立壽六拾柒歲光緒二拾五年請旌

勞曹氏國學生功助之繼室妻拾八于歸甫兩月夫故無子矢志守節現年柒拾三歲

鄧黃氏興惇妻二拾柒歲夫故壽九拾一守節六拾五年親見五代

馬余氏上寧練團立村建安妻二十七歲夫故壽八十七守節六十一年

江甯氏竹行街永春妻二十二歲夫歿守節

容勞氏平山練陸象村容典妻青年守節

陸韋氏上寧練步墀妻二十四歲夫歿青年守節

陸賴氏上寧練步奎妻青年守節

黃譚氏黃屋水村廷濟妻于歸數年夫歿剪髮矢志

紀容氏官屯練蔣家村翰蘭妻青年守節



劉葉氏石塘練蘇村正誼副室青年守節

王檀氏城外街聖學妻十七歲于歸二十一歲夫歿剪髮自誓不苟出門婦頗識字好覽節烈軼事每與妯娌談及清操勁節津津有味人多感激壽柒拾八歲守節五拾八年  
伍張氏西鄉祿華塘土元妻二拾二歲守節

梁譚氏東墟練棠梨村夢高妻二拾五歲守節

甯容氏官屯練寨嶺村澤南妻青年守節

劉紀氏大坪村善元妻二拾三歲守節壽六拾八歲

陳盧氏西鄉那坦村懷新妻拾九歲夫故壽柒拾二守節五拾三年

黃謝氏大池村世殿妻二拾四歲夫故壽柒拾二歲守節四拾九年

李陳氏林墟屬四月八村夢曦妻二拾五歲夫故壽六拾五歲守節四拾年

梁甯氏林墟屬元度妻二拾歲守節

黃郭氏西鄉那細村黃梅妻二拾歲夫故守節四拾年

李葉氏林墟屬胡（金旁）香妻青年守節

容鄧氏平山練睦象村眞儒妻青年守節

潘黃氏平山練舞珠墟周彥妻二十一歲夫故守節三十餘年

## 靈山縣志

人物志

式百四七

廣州黃黎巷新中華承印

石劉氏縣前街石國熙妻三十歲夫故壽八十歲守節五十一年

招鄧氏東門外米街招辛妻二十五歲夫歿遺一子而瞽氏撫養成立壽七十歲守節四十六年

黎梁氏東門外米街金泰妻十八歲夫故壽六十守節四十二年

吳梁氏東門外吳晚妻二十三歲夫故壽六十餘歲守節四十年

譚伍氏舊州練可德妻夫故守節壽九十一歲親見五代

盧蘇氏上東練玉偉妻二十歲夫故現年五十二歲守節三十二年

袁邱氏邑佛子嶺宗清妻二十五歲夫故壽八十二歲守節五十七年

黃李氏西鄉下女賴包村應成妻十歲于歸十二歲夫故壽五十三歲守節四十一年

仇楊氏宋泰練開旭妻二十歲夫故現年五十一守節已三十一年

黃氏李舊州練冲表洞相昌妻二十五歲夫故壽七十五守節五十年

李陳氏舊州練冲表洞附生培元妻三十歲夫故壽八十一守節五十二年

李張氏舊州練冲表洞汝信妻二十三歲夫故現壽五十三守節三十一年

李劉氏舊州練冲表洞自雀妻二十四歲夫故壽七十二守節四十九年

黃勞氏上東練建本妻二十六歲夫故壽七十三守節四十八年

何吳氏武利練金句（王旁）妻早年夫故守節壽一百零二歲  
謝覃氏蘭燦妻壽一百零一歲守節七十七年六代同堂互詳耆壽

袁黃氏世雍妻于歸五年夫故壽九十八歲守節七十餘年親見五代

黃張氏下甲練華屏嶺村從九品燦英妻二十七歲夫故壽八十二歲守節五十六年

黃伍氏下甲練華屏嶺村亮明妻二十三歲夫故現年六十七歲守節四十五年

張黃氏宋泰練大塘村張蘭繼室二十七歲夫故壽六十七歲守節五十年

仇譚氏宋泰練七坪村樂厚妻十八歲夫故壽六十八歲守節五十一年

黃李氏居泮妻二十五歲夫故壽六十九歲守節四十五年

葉勞氏長佳妻二十三歲夫故壽七十九歲守節五十六年

吳馬氏善政妻二十五歲夫故壽五十九歲守節三十五年

劉謝氏偉能妻二十五歲夫故無嗣撫四姪子如己出壽七十三歲守節四十九年

劉羅氏振癸（馬旁）妻二十五歲夫故現年七十四守節四十九年

劉勞氏紹文妻十八歲夫故現年五十二歲守節三十四年

劉紀氏善元妻二十三歲守節壽八十六歲

潘黎氏克修妻年二十二歲夫陣亡守節撫二孤成人壽七十五歲

## 靈山縣志

人物志

式百肆八

廣州黃黎巷新中華承印

黃陳氏昌貴妻年二十九妻夫故現七十五歲守節四十六年

楊羅氏武利平心洞仁厚妻守節壽九十歲親見五代

林李氏舊州練竹子坪春香之妻十一歲于歸二十歲夫故遺腹兩月生一子現年五十七守節三十八年

韋曾氏舊州練坡脚村超忠之妻十八歲于歸二十七歲夫故壽八十二守節五十五年

廖蒙氏榕樹塘潛修妻二十四歲夫故撫姪汝煌爲嗣未幾卒復以夫姪重光之子以繼汝煌現年六十四歲守節已四拾年

蒙黃氏上功妻拾九歲夫故撫育嗣子成立壽八十七歲守節五十六年

貞烈

何蒙氏廣珍妻性端嚴不苟言笑蒙居在於舊州墟中有惡少矮梁欲污之挾刃入室求歡氏大呼力拒遂刺殺之前令李晋上其事建貞烈坊以旌表之并正矮梁法時康熙四十七年也崇祀節孝祠

何施氏名冬姐邑之施屋村施成侃女鄉民何世燦妻年二十而寡姑凌氏老且病氏矢志守節養姑姑依之如左右手乾隆丙寅三月清明掃墓哭夫慟血淚迸出恐姑覺託言歸寧父慰留之次日偕幼姪女施妹佛姑隣女楊特妹赴樟木江邊採野菜族惡

施良疇欲強污之氏怒罵惡拔佩刀相哄嚇氏延頸於刃大呼曰速殺我速殺我諸幼女奔散氏勢急手格其刃血濺淋漓罵不絕口將躍諸江惡持之不獲以頭撞地面目女裂惡知難犯竟殺之時年二十有二署令袁虞禮執訊良疇得婦死狀巡撫奏疏於朝良疇正典刑賜金建坊旌表崇祀節孝祠

黃陳氏世莊妻以力拒強姦忿激自縊同時李某妻黃氏亦遇強暴被害嘉慶二年並旌惟黃陳氏未經崇祀（此條據府志新增）

李黃氏邑之中寧鄉人萬藉妻年十七美而貧有黃意錦以金挑之氏厲色以拒一日氏出外于茅錦持兇器強逼氏不從力與拚命錦盧事洩以刃傷其顛而死及昇至家復蘇向家人言殺我者黃意錦也言訖而逝前令丁桐按驗得實錦伏法嘉慶二年請貞烈以旌之現祀節孝祠（按府志與黃陳氏合傳同是一人）

以上舊志

謝王氏城內小南門街口輝繼室性情貞靜日輝感疾歿婦年二十三歲咬臂誓不再醮謝劉氏城內小南門街安哲妻年二十一歲夫故母家有勸其再醮者婦矢死靡他吳陳氏城內小南門街自勤妻田顏氏城內正興社街存禮妻十七歲于歸二十歲夫故守節

## 靈山縣志

人物志

式百四九

廣州黃黎巷新中華承印

江蒙氏城內小南門街錫疇妻

江容氏城內小南門街江濬妻

田蔡氏城內正興社街紹宗妻

田周氏城內正興社街紹宗妾

田陳氏城內正興社街存仁妻

田韋氏城內正興社街存義妻

田榻氏城內正興社街存信妻

田高氏城內正興社街存溫妻

田潘氏城內正興社街存良妻

以上均係咸豐七年李七陷城被執不屈自刎而死光緒三年兩學師文獻華崔友成詳報請旌送牌位入節孝祠

黃梁氏捕屬屏嶺村相珍妻十七歲于歸十八歲夫歿家貧如洗不肯他適以女紅自給婦無所出守節時不苟出門終日以無子繼後自哭甚至絕粒不食守節年餘悲極無聊自縊而死光緒三年儒學報請旌表

丁劉氏石塘練蘇村翰華妻二十三歲夫故自縊以殉

譚商氏譚治妻已報請旌入節孝祠事無攷

賢婦

李邱氏監生錫璋妻持家謹飾淑德堪稱年九十七歲

張勞氏監生張球妻以子所厚捐職請封安人嘗施設陸屋渡庚子大水渡夫感母德逆料江漲沂流挽舟直達樓簷比登舟樓舍條圯全家得免安人遂命渡徧拯鄰人焉子四人孫十人曾孫二十有四人元孫二人孫曾登庠序十餘人皆親見之萬學使（承風）仰學查明給慶錦五葉匾額表其門壽九十六歲卒季子所成年三十二卒媳蘆氏事勞甚得歡鄉里有慈惠相繼之目蘆氏子原以訓導職請封

葦楊氏潭烏村庠生賓皇妻實力學好施喜交遊揚多所贊助夫歿能承遺志賑荒免租其鄰人如農鳳志黃國材等數十家胥就養又奴婢新禧等九人各爲安家置業其後嗣方興未艾咸謂楊氏之積德所致

以上舊志皆祀節孝祠

容鍾氏石背練廩生廣賢妻廣賢以孝事母爲前縣杜兆觀舉優行崇祀孝子祠門內事多氏所成就當時咸以賢稱之夫故後尤善訓誨子姪生男六長申廩生次和拔貢三威附生四儀例貢五錦廩生六獻增生一門濟濟同列膠庠爲邑中罕見七袞晉一

## 靈山縣志

人物志

式百五十

廣州黃黎巷新中華承印

壽誕前縣蔡維祺撰文有撫育諸孤畫荻與熊丸並用慈愛幼姪鮮衣與推食無偏之語洵非溢美矣

仇張氏西鄉官塘村從九品晉贈朝議大夫汝韜妻于歸後逮事兩代翁姑盡孝養處家和而教子嚴常誡之曰我勤非好勞儉非吝財乃惜福以遺爾曹也子效忠八詞林仕至太中恭人尤高（言旁）告以惜福爲本年八十五代同堂親見七代以子貴晉封四品恭人

劉覃氏石塘練蘇村附生昌言妻夫早世氏撫家麟家俊家傑三遺孤訓以孝友皆恂恂然謹承懿教傑出嗣麟子運樞監生俊子運籌國子監典籍運熙以幼童冠軍進郡庠食廩餼尋登庚子辛丑恩正併科賢書今兄弟叔姪雖別居雍睦一如當日母之教也太守張公埭曾書畫荻傳經額旌其門并書氏賢行於摺笥分贈家麟家俊兄弟後嗣至今珍藏之

江何氏城內中書銜江津妾咸豐七年李七陷城氏翁顯瀾爲匪所執議贖成約時氏母家幸逃出至郡寓居氏乃奔廉向母家籌措如數回至邑值匪火藥垂盡勒以銀購火藥交納方准氏救翁情切迫將苦情訴乞當道不准氏翁遂及於難仍帶銀回廉三次步行重繭雖無救於翁之死其心可共諒矣

韋王氏中寧練屯統材守備運雖妻原籍文昌自幼喪父母依戚某携赴督漕運年十五歸雖舉一子一女咸豐甲寅雖在廬州陣亡部下將屍奪回氏扶柩葬於清江浦之陽事畢寄寓揚州未幾子女相繼而歿氏舉目無親含酸茹苦歷二十餘載至光緒戊寅春乃嘆曰夫死王事不能歸骨故鄉未亡人之責也即日收拾遺骸哀求當道給取路照所過地方官皆蒙周恤十越月始抵家鄉千山萬水歷盡艱難談者猶爲感泣不置仇張氏西鄉增貢生貫忠妻端莊聰慧好誦前徽以爲後法夫往郡肄業治家教子井井有條貫忠積學成名無內顧憂氏與有力焉壽七十九歲子三長葆厚拔貢生次薊厚太學生三華厚廩貢生孫開鎬武舉開達庠生

謝廬氏大塘瓜（士旁）村述章母光緒二十九年穀貴斗值千錢日煎粥濟鄰里饑民共費穀千餘斗宣統三年二月在李屋嶺建茶亭以便行人甯蒙氏志論妻節儉好施鄉里之貧乏者德之壽八十六歲

### 術藝

前志叙方伍傳曰漢書曰方術魏書曰方伎晉書曰藝術後史互祖之雖曰藝成而下而技或進於道亦不可以不傳矣探諸舊通志得一人焉云云按叙意雖該諸藝史例祇收方士方今藝學新異外洋日以奇技吸我脂膏政府方以獎勵工藝爲亟

## 靈山縣志

人物志

式百伍一

廣州黃黎巷新中華承印

商標許之專利工學列爲專科靈雖彈丸豈無慕公輸瓦得而興者謹改爲術藝庶於興業之意不無稍裨焉爾（續志）

唐秩號海天孤鶴靈山人精符籙善練氣嘉靖十二年至京遇旱禱雨立應適宮中有巨鼠作祟諸術莫效秩用符水驅除之得官博士號爲仙師見通志舊志

### 流寓

史不稱流寓方志例有流寓者何哉史合率土言之方志則以一隅言之也其土著者已稱鄉賢則凡僑居寄藉者皆流寓矣今茲之傳豈曰吾郡之欽有天涯合有海角若吾黨尙爲內地亦聊以自雄哉將以示匹夫匹婦之至行無不至足錄則生茲土者宜何如自勉也傳流寓（舊志）

趙德仁浙江簫山人尋父骸至陸屋獲之哀痛而絕里人鄭文遠哀其事爲具棺殮與其父骸同葬於龍母廟側思恩太守趙完璧作孝子墓誌及碑記

王陳氏河南人康熙二年隨夫王大年任縣丞兩月而卒氏泣血殯殮自經死知縣多宏安義之合葬於東郊有僕二人感其節烈皆宛（卜旁）悼而死

陳曾氏湘潭人隨夫陳總兵寓居靈山年少色艷其夫被賊殺死於橫州博合墟氏聞之厚豫賂購尸殯殮成禮預懸一練於梁約三七後以身殉夫有欲圖其姿者百計誘

之不應三七日召諸鄉鄰合飲各相餽別家人老幼分曹生祭焉徐易粧自酌名吃上路飯拜夫靈柩遂自經死鄉人環觀之皆為涕泣

按上二人皆隨夫至靈夫皆無考若總兵之遇害查郡志稱以勦賊被殺則是陳為殉難之臣曾為殉義之婦皆當表聞姑錄以俟考

邱汪氏潮洲人邱雲程妻挈子女客於靈年二十六夫亡兩媳相繼妖歿異鄉孤子惟治園蔬托熟識老嫗易米度日不繼則拾野菜充飢或勸改適圖存者氏曰吾決志為清白鬼休饒舌也蓬頭垢面延捱兩載終至餓死邑人憫之殮瘞於北郭

以上舊志

# 靈山縣志

人物志

式百五二

廣州黃黎巷新中華承印

